



BASES REGULADORAS DO CONCURSO DE EMBECEMENTO DE NADAL 2020-2021 DIRIXIDO AO TECIDO COMERCIAL DA CIDADE:

- MODALIDADE: DECORACIÓN DE LOCAIS HOSTALEIROS
- MODALIDADE: DECORACIÓN DE ESCAPARATES

1.- OBXECTO E FINALIDADE

Estas bases teñen por obxecto establecer os criterios que rexen a convocatoria en réxime de concorrencia competitiva para o concurso de Nadal 2020-2021 dirixidos ao tecido comercial da cidade nas modalidades decoración hostaleira e decoración de escaparates en establecementos comerciais.

Trátase dunha actividade promovida polo Concello de Ribeira dende as áreas de Cultura e Comercio co dobre obxectivo de poñer en valor e incentivar a participación do tecido económico da cidade (hostalería e comercio) nas celebracións de Nadal mediante a creación a decoración realizada nestes establecementos.

2.- REGULAMENTO PARA A PARTICIPACIÓN DO ESTABLECEMENTOS:

2.1.- Funcionamento e participantes nas modalidades de decoración hostaleira:

Poderá participar calquera local hostaleiro que radiquen no municipio de Ribeira, enviando unha fotografía da decoración acompañada da ficha de participación cuberta (Anexo I), non aceptando como válidos aqueles traballos que non veñan acompañado da ficha que incluírá nome e apelidos do participante, nome do establecemento, número de DNI, domicilio, e teléfono de contacto ao enderezo electrónico turismo@ribeira.gal, entendendo por parte da organización que a propia participación autoriza ao Concello de Ribeira á súa divulgación cos fins propios desta actividade, acepta as bases e faise responsable da veracidade dos datos facilitados.

Os locais hostaleiros participantes deberán estar decorados como data límite o sábado 19 de decembro de 2020 e manterse ata o 6 de xaneiro de 2021 (ambos os dous incluídos). A fotografía da decoración e a ficha de participación cuberta deberán enviarse do 13 ao 20 de decembro de 2020 ao enderezo electrónico turismo@ribeira.gal e todas as imaxes participantes publicaranse no perfil de EntérateCulturaFestexos no Facebook do 21 ao 23 de decembro para que sexan votadas polo público.

As tres decoracións que máis GÚSTAME reciban ata o venres 8 de xaneiro ás 10:00 h serán as tres gañadoras co primeiro, segundo e terceiro premio establecidos nestas bases.





2.2.- Funcionamento e participantes nas modalidades de decoración de escaparates dos establecementos comerciais:

Poderá participar calquera establecemento comercial –a excepción dos locais hostaleiros que xa teñen unha modalidade propia- que radiquen no municipio de Ribeira, enviando unha fotografía da decoración do escaparate acompañada da ficha de participación cuberta (Anexo I), non aceptando como válidos aqueles traballos que non veñan acompañado da ficha que incluírá nome e apelidos do participante, nome do do establecemento, número de DNI, domicilio, e teléfono de contacto ao enderezo electrónico turismo@ribeira.gal , entendendo por parte da organización que a propia participación autoriza ao Concello de Ribeira á súa divulgación cos fins propios desta actividade, acepta as bases e faise responsable da veracidade dos datos facilitados.

Os comercios participantes deberán manter decorados os escaparates como data límite o sábado 19 de decembro de 2020 e manterse ata o 6 de xaneiro de 2021 (ambos os dous incluídos). A fotografía do escaparate e a ficha de participación cuberta deberán enviarse do 13 ao 20 de decembro de 2020 ao enderezo electrónico turismo@ribeira.gal e todas as imaxes participantes publicaranse no perfil de EntérateCulturaFestexos no Facebook do 21 ao 23 de decembro para que sexan votadas polo público.

As tres decoracións que máis GÚSTAME reciban ata o venres 8 de xaneiro ás 10:00 h serán as tres gañadoras co primeiro, segundo e terceiro premio establecidos nestas bases.

2.3.- Premios e dotación económica:

O concurso estará dotado dun total de 1.200,00 €

Para a modalidade de decoración hostaleira establécense tres premios:

- 1º premio: 300 €
- 2º premio: 200 €
- 3º premio: 100 €

Para a modalidade de decoración de escaparates de establecementos comerciais establécense tres premios:

- 1º premio: 300 €
- 2º premio: 200 €
- 3º premio: 100 €





2.4.- Publicación dos traballos recibidos:

Todas as fotografías de decoración de locais hostaleiros ou de decoración de escaparates recibidas serán publicadas no perfil de ENTÉRATE do Facebook co fin de que calquera persoa interesada poida entreterse coa súa visualización. Calquera creación poderá quedar eliminada e non ser publicada se a xuízo da organización pode supor un motivo de insulto, falta á verdade, mal gusto, machismo, racismo ou outro semellante.

Todas as publicacións irán acompañadas do hashtag:

#NadalenRibeiraComercioLocal

Tamén a través deste perfil da Concellería de Cultura en Facebook se dará a coñecer e se difundirá o nome dos premiados nas distintas modalidades.

2.5.- Caducidade dos premios:

No suposto de que algún premios non fosen recollidos na Concellería de Cultura antes do prazo dun mes dende a comunicación dos agraciados, perderán a súa validez e non serán entregados ás persoas interesadas.

3.- ÓRGANO COMPETENTE PARA A INSTRUCCIÓN E RESOLUCIÓN DO PROCEDIMENTO

A instrución e resolución do procedemento corresponderalle ás Concellaría de Cultura e Turismo/Comercio a través do seu persoal sen ser preciso a constitución dunha comisión avaliadora xa que os premios serán outorgados aos que obteñan máis “Gústame” no perfil de Entérate Cultura e Festexos de FACEBOOK.

O órgano competente para resolver o procedemento será a Xunta de Goberno Local. A Xunta de Goberno Local aprobará a resolución dos premios en base ao informe emitido polo persoal das Concelleiras de Cultura e Turismo/Comercio.

Contra a resolución adoptada na execución da presente convocatoria poderase interpoñer recurso de reposición perante o órgano que a ditou, no prazo dun mes dende a data de publicación da resolución. Entenderase desestimado o recurso se transcorrido un mes dende a súa presentación non se obtivese resposta, podendo nese caso interpoñerse recurso contencioso administrativo no prazo de dous meses, tal e como prevé o artigo 8 da Lei 29/1998 de 13 de xullo, reguladora da xurisdición contencioso administrativa.

Todas as notificacións e publicacións relacionadas con esta subvención realizaranse na páxina web municipal www.ribeira.gal e no taboleiro de anuncios do Concello de Ribeira.





5.- ORZAMENTO DA CONVOCATORIA

A contía da convocatoria a realizar de conformidade coas presentes bases ascende a 1.200,00 euros, con cargo á partida 334.48000 do Orzamento municipal de Ribeira do ano 2020.

6.- ACEPTACIÓN DAS BASES E AUTORIZACIÓNS EN CANTO Á L.P.D.

A mera participación nalgunha das modalidades deste concurso supón a aceptación plena de todas as bases, así como a autorización á entidade organizadora a empregar a imaxe e datos das persoas gañadoras no concurso para os efectos de publicidade do resultado do mesmo.

Así, aos efectos do establecido na Lei Orgánica 3/2018 de protección de datos e RGPD, o Concello de Ribeira comunica que estes datos de carácter persoal forman parte dun ficheiro na área de Cultura, podendo exercitar os seus dereitos ARCO na seguinte dirección de correo postal: Praza do Concello, s/n, CP 15960, Ribeira (A Coruña).

O incumprimento dalgunha destas bases supón a privación de todos os dereitos que poidan derivar da participación da campaña.

No caso de que algunha persoa premiada ou agraciada renuncie a algún premio deberá formalízalo por escrito na Concellería de Cultura no mesmo prazo fixado para a reclamación dos premios; unha vez rematado o prazo, todos os premios perderán a súa validez e non poderán ser reclamados.

Ribeira, na data da sinatura dixital.

María Sampetro Fernández
Concelleira de Cultura

4/5



La autenticidad de este documento se puede comprobar con el código 07E40008FD1C00Y3N2Q7S7Z7Y7 en la Sede Electrónica de la Entidad

FIRMANTE - FECHA

MARIA JOSE SAMPEDRO FERNANDEZ-CONCELLEIRA DELEGADA DE CULTURA, INFRAESTRUCTURAS E URBANISMO. - 23/11/2020
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 23/11/2020 10:03:03

EXPEDIENTE ::
2020CONV000021
Fecha: 23/11/2020
Hora: 00:00
Und. reg: REGISTRO GENERAL





CONCURSO DE NADAL DE ESCAPARATES E DECORACIÓN DA HOSTALERÍA ANEXO I: FICHA PARTICIPACIÓN

Nome e apelidos do participante:

Con DNI _____ Teléfono: _____

Modalidade:

Decoración de Escaparates

Decoración de Local Hostaleiro

Nome do establecemento _____

Domicilio onde se atopa a decoración:

Localidade do participante: _____ Código Postal: _____

Enviar debidamente cuberta e coa foto adxunta a: turismo@ribeira.gal

Sinatura:

DECLARO e AUTORIZO ao Concello de Ribeira a publicar e difundir as imaxes participantes neste concurso nas súas redes sociais, medios de comunicación e outros cos fins propios do concurso, así como ACEPTO as bases que regulan este concurso.

De acordo co establecido pola normativa vixente en materia de protección de datos, informámoslle de que o Responsable de Tratamento dos seus datos persoais é CONCELLO DE RIBEIRA, con dirección en PRAZA DO CONCELLO, S/N, 15960 - RIBEIRA (A CORUÑA); lopd@ribeira.gal O Delegado de Protección de Datos do CONCELLO DE RIBEIRA é Servizos de Adaptación Continua en Protección de Datos RB, S.L. có que poderá contactar en lopd@ribeira.com. Os datos serán utilizados para prestarlle o servizo solicitado e a xestión administrativa derivada da prestación do servizo. Os datos non se cederán a terceiros, salvo por obriga legal. Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos en calquera momento. Para elo, CONCELLO DE RIBEIRA dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade. Pode consultar a información adicional y detallada sobre Protección de Datos solicitándoa por correo electrónico: lopd@ribeira.com

5/5



La autenticidad de este documento se puede comprobar con el código 07E40008FD1C00Y3N2Q7S7Z7Y7 en la Sede Electrónica de la Entidad

FIRMANTE - FECHA

MARIA JOSE SAMPEDRO FERNANDEZ-CONCELLEIRA DELEGADA DE CULTURA, INFRAESTRUCTURAS E URBANISMO. - 23/11/2020
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 23/11/2020 10:03:03

EXPEDIENTE ::
2020CONV000021
Fecha: 23/11/2020
Hora: 00:00
Und. reg: REGISTRO GENERAL

